

DĒPĀ TÍ PÖPÖKÖDÖRÖ TÍ NDIĀ TÍ BATA NĒNGÖ TERĒ TÍ ZO

TAKAPA

Na hĩngāngō biani atene nēngō terē tĩ zo na lĩngbĩngō terē tĩ āngangũ tĩ lo laā sĩ ayeke na gũndā tĩ zarā , tĩ nzōni ngbanga na tĩ siriri na ndō tĩ dũnia,

Na hĩngāngō nĩ pēpee na kēngō āndiā tĩ bata nēngō terē tĩ zo laā adũ kpālē tĩ birā sō abi ngonzo na bē tĩ āhalēzo, ngā sĩ gāngō tĩ mbēni finĩ kōdōrō sō āhalēzo kũe alĩngbi tĩ tene tēnē tĩ bē tĩ āla, tĩ mǎbē tĩ āla afa nĩ tōngana taā kōtā bēkũ tĩ āzo tĩ ndō tĩ gĩgĩ,

Ayeke kōtā yē mĩngi tĩ tene azĩ lē na ndō tĩ āndiā tĩ bata nēngō terē tĩ zo gĩ na lēngō mbēni gerē tĩ ndiā ndali tĩ siōni sēgbiā na lēngō pāsĩ,

Na hĩngāngō nĩ atene ayeke kōtā yē mĩngi tĩ mũ ngangũ na mǎingō tĩ lēngō sōngō na pōpō tĩ kōdōrō ndē ndē,

Na hĩngāngō nĩ atene na yā tĩ sēndiā halēzo tĩ bēndo tĩ gĩgĩ afa tĩ finĩ nĩ mǎbē tĩ āla na ātaā ndiā tĩ zo , na nēngō terē ngā na kōtā tĩ zo na lĩngbĩngō terē tĩ āngangũ tĩ kōlĩ na wālĩ, sĩ āla atene āni yeke sara ngangũ kũe tĩ mǎingō tĩ sēduti tĩ zo na lēngō ānzōni lēgē tĩ dutĩ na yā tĩ mbēni kōtā zarā ,

Na hĩngāngō nĩ atene ākōdōrō sō abũngbi amũ yāngā tĩ lē kpēngō ndiā tĩ bata nēngō terē tĩ zo na zarā tĩ lo na yā tĩ kua tĩ mabōko na mabōko na bũngbi tĩ bēndo tĩ gĩgĩ,

Na hĩngāngō atene mǎngbĩngō bē na āndiā sō na āzarā sō ngā ayeke biani ngangũ yē mĩngi tĩ sara kua sō gĩ na pekō tĩ yāngā sō āla mũ,

Kōtā Lingō

Avũnga

Dēpā tĩ pöpöködörō tĩ bātāngō nēngō terē tĩ zo sō

tōngana kunibē sō halēzo na ākōdōrō kũe alĩngbi tĩ wara, sĩ āzo kũe ngā na ākũndũ tĩ bōso kũe asāra ngangũ, na lēgē tĩ fāngō mbētĩ na fāngō-ndo, tĩ lē kpēngō āndiā na āzarā sō ngā tĩ sara na kodē tĩ āndiā tĩ kōdōrō wala tĩ pöpöködörō tĩ tene ayēka nĩ ngā sĩ alē tambũla nĩ na ndo kũe, na pōpō tĩ halēzo na letāa nĩ sō alũ mbere nĩ, tōngana āla sō angbā na gbe tĩ lē tĩ āla.

Sura 1

Adũ āzo kũe yamba, ngā āla lĩngbi terē na lēgē tĩ nēngō-terē na tĩ āngangũ. Ala kũe awara ndarā na bōrō-li sĩ āla lĩngbi tĩ dutĩ na āmbā tĩ āla gĩ na lēngō sōngō.

Sura 2

Zo ōko ōko alĩngbi tĩ pika kate na ndō tĩ āngangũ sō dēpā avũnga, na sārāngō kángbi ōko pēpē wala na ndō tĩ tenē tĩ marā, wala tĩ nzorōko tĩ terē wala tĩ ndiā wala tĩ kōlĩ na wālĩ tĩ yāngā kōdōrō wala tĩ mosoro, tĩ ndo tĩ dũngō wala tĩ marā dutĩ,

Na ndōni kũe, alĩngbi tĩ sara mbēni kángbi ōko pēpē sō alōndō na ndō tĩ tēnē tĩ porosō wala tĩ ndiā wala tĩ pöpöködörō, tĩ mbēni zo wala tĩ mbēni kōdōrō nĩ sō alĩngbi tĩ dutĩ lipandā wala na gbe lē tĩ mbēni kōdōrō wala sō ayeke na kpālē tĩ sēgbiā.

Sura 3

Zo kũe ayeke na ngangũ tĩ dutĩ na finĩ tĩ lo, tĩ dutĩ yamba na tĩ dutĩ na mbeto tĩ wara siōni pēpee.

Sura 4

Zo ōko alĩngbi tĩ dutĩ na gbe tĩ ngbāa pēpee. Akānga lēgē biani na dutĩ tĩ ngbāa ngā na dēngō buzē tĩ kǎngō zo na ngbāa.

Sura 5

Zo ōko alĩngbi tĩ sara mbā tĩ lo na pāsĩ tĩ ponōn wala na pāsĩ tĩ finōn pēpee.

Sura 6

Zo kũe ayeke na ngangũ tĩ tene ndiā abata lo na āsiōni lākũe na ndo kũe.

Sura 7

Azo kũe alĩngbi terē na lē tĩ ndiā, ngā āla yeke na ngangũ lēgē ōko na sārāngō kángbi ōko pēpee. Amũ na āla ngangũ na sēbātāngō terē lēgē ōko, na tēnē tĩ kángbi tĩ marā sō alĩngbi tĩ fĩngi dēpā sō ngā na tēnē tĩ gĩngō lēgē tĩ kángbi tĩ marā sō.

Sura 8

Zo kũe alĩngbi tĩ lĩ ngbanga na ādangbanga tĩ kōdōrō tĩ lo tōngana āzo akpē pēpee āngangũ sō sēndiā tĩ kōdōrō tĩ lo amũ na lo.

Sura 9

Alĩngbi ōko pēpee tĩ gbũ zo na kǎnga wala tĩ bata lo na kǎnga wala tĩ tokua zo yongoro na kōdōrō tĩ lo gĩ sēngē sēngē, tōngana ndā nĩ ayeke da pēpee.

Sura 10

Zo kũe ayeke na ngangũ, lēgē ōko na āmbā tĩ lo, tĩ tene amā polēlē tēnē tĩ yāngā tĩ lo na lē tĩ boro ngbanga sō fadē afa ānde wala āngangũ wala ākuandiā tĩ lo wala tōngana pāngō ĩrĩ na tēnē sō alĩ ngbanga da na ndō tĩ lo sō ayeke mbĩrimbiri.

Sura 11

Zo kũe sō apā ĩrĩ tĩ lo na ndō tĩ mbēni kpālē angbā mokondō asĩ na ngoi sō afa na lēgē tĩ ndiā atene lo sara siōni, na lē tĩ mbēni ngbanga tĩ polēlē sō āwakokō kũe adu da na pekō tĩ lo.

Alĩngbi pēpee tĩ kǎnga zo ndali tĩ āyē sō lo sara wala tĩ bēgirisā sō, na ngoi sō asĩ sō, ndiā tĩ kōdōrō wala ndiā tĩ pöpöködörō afa nĩ tōngana kpālē pēpee. Lēgē ōko, alĩngbi tĩ diko pēpee mbēni ponōn sō akono ahōn ndō tĩ lo sō ayeke dē ka nĩ na ngoi sō zo asāra kpālē sō.

Sura 12

Alĩngbi ōko pēpee tĩ yōro terē na mbānā na yā tĩ sēduti tĩ zo wala tĩ sēwa tĩ lo wala tĩ da tĩ lo wala tĩ diko mbētĩsũ tĩ lo. Alĩngbi pēpee tĩ buba ĩrĩ tĩ zo ngā na wũngō tĩ ĩrĩ tĩ lo. Zo kũe ayeke na ngangũ tĩ tene ndiā abata lo ngbanga tĩ āmarā kpālē tōngasō.

Sura 13

Zo kũe ayeke na ngangũ tĩ fonon yamba na yā tĩ kōdörösēse kũe. Lo yeke ngā na ngangũ tĩ soro ndo tĩ dutĩ tĩ lo na yā tĩ mbēni kōdörösēse.

Zo kũe ayeke na ngangũ tĩ sīgi na yā tĩ kōdörösēse kũe atā adu kōdōrō tĩ lo, ngā tĩ kiri na kōdōrō nĩ tōngana sō bē tĩ lo ayē.

Sura 14

Na yā tĩ ponōn tĩ hongā-ndo, amũ lēgē na zo kuē tĩ gi ndo tĩ dutĩ da ngā lo lĩngbi tĩ wara nĩ na kōdōrō wandē.

Alĩngbi pēpee tĩ mũ ngangũ sō na wakpālē tĩ fāngō zo wala na zo tĩ sārāngō āyē sō ague pēpee na lēgē tĩ āpo na ākunibē tĩ bũngbi tĩ bēndo tĩ gĩgĩ.

Sura 15

Amũ ngangũ na zo kũe tĩ tene lo du zo tĩ mbēni kōdörösēse.

Alĩngbi pēpee tĩ gbānzi mbēni zo na mbānā tĩ du wakōdörösēse ngā na ngangũ tĩ gbian kōdörösēse tĩ lo.

Sura 16

Asĩ na ngoi sō āla lĩngbi tĩ mũ terē, amũ ngangũ na kōlĩ na wālĩ tĩ mũ terē tōngana kōlĩ na wālĩ, sĩ āla lē sewā sēngē, tēnē tĩ marā wala tĩ kōdörösēse wala tĩ mǎbē alĩngbi tĩ kǎnga lēgē nĩ pēpee. Na mbágē tĩ mũngō terē, amũ ngangũ, lēgē ōko na kōlĩ na wālĩ na yā tĩ dutĩngō tĩ āla ngā na kǎngbĩngō tĩ āla.

Kōlĩ na wālĩ alĩngbi tĩ mũ terē gĩ tōngana bē tĩ āla ūse kũe ayē tēnē nĩ biani.

Sēwā ayeke na gūndā tî halêzo. Ni laâ, amû ngangû na letâa ngâ na âzo kûê tî tene âla bata nî ngangû.

#### Sura 17

Zo kûê wala lo dutî na bôsôngbi wala lo dutî lo ôko ayeke na ngangû tî wara âkûngbâ tî lo mvenî.

Alîngbi pēpēe tî mû âkûngba tî mbênî zo na ngangû na mabôko tî lo.

#### Sura 18

Amû na zo kûê zarâ tî bibê, tî boro-li na tî mǎbê ; ngangû sô afa atene zo kûê ayeke na zarâ tî gbïan mǎbê tî lo, wala bibê tî lo ngâ na zarâ tî fa polêlê mǎbê ti lo, lo ôko wala na yâ tî mbênî bûngbi, polêlê wala koiko, na lêgê tî fǎngô mbêtî, tî sǎrǎngô yê, tî vǒrǒngô nzapâ ngâ na sǎrǎngô ângôbo.

#### Sura 19

Amû na zo kûê ngangû tî zarâ tî bibê na tî sǎrǎngô tēnê. Sô atene alîngbi tî doroko zo pēpēe ndâli tî âbibê tî lo. Amû ngâ na zo kûê ngangû tî gi, tî wara na tî vûnga âsango na âkodê na âmarâ lêgê kûê, na zǎiǎngô bê pēpēe na ndô tî tēnê tî âmeka.

#### Sura 20

Amû na zo kûê ngangû tî zarâ tî gbê lîngô, tî lî na yâ tî bôsôngbi tî sirîrî.

Alîngbi pēpēe tî gbû zo na ngangû tî lî na yâ tî mbênî bôsôngbi.

#### Sura 21

Amû na zo kûê ngangû tî sâra kua tî lēngô kǒdǒrô tî lo, wala lo mvenî wala na lēgê tî âwasêlê sô asoro âla yamba.

Amû na zo kûê ngangû tî wara kua na yâ tî ndokua tî letâa, lēgê ôko na âmbâ tî lo.

Kunibê tî halêzo ayeke na gūndâ tî ngangû tî awalēngô kǒdǒrô. Kunibê sô alîngbi tî fa gî na lēgê tî aboro soro sô ayeke baa gîgî ngôï na ngôï, na lêge tî gbgô mobimba ngâ na kǒbô soro wala na mbênî ngôbo sô amû ngangû tî zarâ tî soro.

#### Sura 22

Zo kûê tǒngana wabôso tî halêzo ayeke na ngangû na kodêkua tî bātǎngô terê. Alǒndô na âbǎngô nzônî na pekô tî ângangû tî mosoro, tî zǎngbingǒrô terê, tî ndara sô ayeke kôtâ yê ndâli tî nēngô terê na boro mǎiǎngô tî sêterê tî lo; gî na lēgê tî gbûngô mbirimbirî kua tî kǒdǒrô ngâ na tî tângbingô kua na âkǒdǒrô wandê sô abâa dǒngôngbi na mǒsôrô tî kǒdǒrô ôko ôko.

#### Sura 23

Amû na zo kûê ngangû tî sâra kua, na zarâ tî sǒrǒngô kua tî bê tî lo, na yâ tî boro ngâ na nzônî gerê tî kua. Alîngbi ngâ tî bata zo ngbanga tî tēnê tî ponôn tî sǎrǎngô kua pēpēe.

Zo kûe alîngbi tî wara boro nginza tî kua sô alîngbi na kua sô lo sâra

Zo sô asâra kua alîngbi tî wara boro nginza tî kua sô alîngbi tî tene lo na âsēwâ tî lo adutî na yâ tî nēngô terê. Na ndônî kûê, amû na lo anzîna ngangû tî sêbātǎngô terê.

Zo kûê awara ngangû tî kîi na âmbâ tî lo âbûngbi tî âwakua, ngâ tî lî bûngbi na âmbênî âbûngbi tî âwakua ngbanga tî gbûngô kokô tî âla.

#### Sura 24

Amû na zo kûe ngangû tî woterê tî lo, tî sâra ngîa ngâ. Sô atene alîngbi tî dē gî na lēgê nî lǎngô kâpâ tî kua ngâ na âlǎngô tî wǒngô terê sô afûta nî.

#### Sura 25

Zo kûê alîngbi tî wara nginza sô alîngbi na lo sî lo lē sêni tî lo, nzônî dutî tî lo ngâ na tî sewâ tî lo bianî na lēgê tî tēngô kôbe, yûngô bongô, mûngo yoro ngâ na zǎngbingô terê. Amû na lo ngangû tî baa nzônî na lēgê tî zangbingô terê na ngôï sô lo du na kua pēpēe, wala na ngôï tî sǒngô terê wala ngbanga tî zên, wala ngbanga tî ndû, tî kangba wala na yâ tî âmbênî ngôï sô zo nî ayeke na mbênî lēgê tî bātǎngô na finî tî lo pēpēe, na pekô tî âmbênî siǒkpâlê sô asî na lo.

Awâlî tî ngo na âmolengê tî âla alîngbi tî wara taâ nzônî na kua tî zǎngbingô ndo. Amôlengê kûê, wala adû âla na yâ tî mûngô terê wala adû âla da pēpēe ayeke na ngangû na nî lēgê ôko.

#### Sura 26

Amû na zo kûê ngangû tî mǎndǎngô mbetî. Ayeke fûta mǎndǎngô mbêtî nî pēpēe, mbirimbirî na âkêtê dambêtî. Mǎndǎngô kodêyê na kodêkua alîngbi tî gbû ndo kûe. Zo kûê alîngbi tî manda mbêtî na kôtâ dambêtî, gî na lēgê tî kodê tî lo na hîngǎngô ndo tî lo.

Fǎngô mbêtî alîngbi tî gue na lēgê tî kono sêterê tî âzo ngâ tî kono ndiâ tî bātǎngô nēngô terê tî âzo . Lo lingbi ngâ tî mû lēgê tî kpēngba mǎngô terê, vûrûngô bê na sǒngô na pǒpô tî âkǒdǒrôsêse tî âmarâ wala âmabê ndê ndê ngâ na mǎiǎngô âkua tî bûngbi tî bēndo tî gîgî ngbanga tî bata sirîrî.

Awadûngô mǒlengê âmvenî alîngbi tî soro yamba kodê lēgê tî fǎngô hîngǎgô ndo na âmôlengê tî âla.

#### Sura 27

Zo kûê ayeke na ngangû tî lê kua tî sêndǎgǎo tî âsǒngô tî lo, tî tene lo wara âpendere yê tî kǒdǒrô tî lo na lo zîa mabôko na mǎiǎngô tî âsêndâyê ngâ na lo baa nzônî na pekô nî.

Amû na zo ôko ôko ngangû tî sêbātǎngô ânzônî yê tî lo sô alîngbi tî dutî âkûngbâ wala âbibê ti lo-mvenî. Anzônî yê sô alîngbi tî lǒndô na pekô tî âkodêkua, asêndâyê, âsêndâsû wala tî sêndǎgǎo sô lo mvenî lo sâra.

#### Sura 28

Tî tene âzo akpê ângangû sô afa ge sô, ayeke nzônî mbênî dǒngôngbi adu da sô alîngbi tî bata nî. Dǒngôngbi sô alîngbi tî dutî na yâ tî kǒdǒrô nî tǒngana na yâ tî dûniâ mobimba.

#### Sura 29

Zo ayeke na âhonga na mbâgê tî bôso sô lo du da sî lo mâi da yamba . Ni laâ sî alîngbi tî mû na lo lēgê tî tene sêterê tî lo amâi nzônî bianî.

Ndiâ alîngbi tî lê ângangû tî bātǎngô nēngô terê tî zo . Lo lingbi ngâ tî mû lēgê na zo ôko ôko tî kpê âmbâ tî lo ngâ tî tene âmbâ tî lo akpê lo.

ângangû sô na âzarâ sô alîngbi ôko pēpê tî fîngî âwêsêlô, âpô, na gbgôndiâ tî bûngbi tî bēndo tî gîgî mobimba.

#### Sura 30

Mbênî kǒdǒrôsêse ôko pēpēe wala mbênî zo tî gîgî ôko alîngbi pēpēe tî buba lēgê tî ândiâ sô afa ge na yâ tî mbêtî-dêpâ sô.